

Mophethahatsi e mong o phanyehong ya temoso

PRETORIA, Laboraro, 21 PHATO 2019 – Ditshebeletso tsa Lekgetho tsa Afrika Borwa (SARS) di behile mophethahatsi e mong e leng Mme Mmamathe Makhekhe-Mokhuane phanyehong ya temoso ho itshetlehlilwe hodima ho phethahatswa ha metjha ya kgalemo e mabapi le diqoso tse hlokolosi tsa boitshwaro bo bobo. Sena se tlisa palo ya baphethahatsi bao ha jwale ba leng phanyehong ya temoso ho hlano.

Bophethahatsi bona ke:

- Mong. Hlengani Mathebula, Ofisiri e ka Sehloohong: Governance, International Relations, Strategy and Communication
- Mong. Teboho Mokoena, Ofisiri e ka Sehloohong: Human Capital & Development
- Mong. Luther Lebelo, Mophethahatsi wa Sehlopha: Employee Relations
- Mme Refiloe Mokoena, Ofisiri e ka Sehloohong: Legal Counsel
- Mme Mmamathe Makhekhe-Mokhuane, Ofisiri e ka Sehloohong: Digital Information Services and Technology

Sena ke karolo ya tekolobotjha e ntseng e tswela pele le e tebileng ya boetapele bohle ba SARS ka Khomeshenara ho latela dintlha tse mabapi le puso e ntle, mme ho feta moo, ke ho arabela tlaleho ya Khomeshene ya Dipatlisiso mabapi le Taolo ya Lekgetho le Puso ke SARS, e tsejwang e le “Nugent Report”.

Phanyeho ena ya temoso ya Mme Mmamathe Makhekhe-Mokhuane e qala hanghang. Re batla ho toboketsa hore diphanyeho tsena ke tsa temoso mme ka hona ha se diphetho tsa ntho efe kapa efe e phoso lehlakoreng la baphethahatsi bana ba amehang. Diphetho tsa sena di tla fumaneha feela ha metjha ena e se e phethetswe. SARS e kopa hore sephiri sa batho bana ka bonngwe ba bona mmoho le sephiri se pakeng tsa mongamosebetsi le mosebetsi di hlomphe. SARS e ke ke ya ntsha maikutlo mabapi le taba ena ho fihlela e phethelwa.